

ԱՍՏԱՊԱՏԻ ՎԱՆՔԻ ՃԱՐՏԱՐԱՊԵՏԱԿԱՆ ՀԱՄԱԼԻՐԸ

Մ. Մ. ՀԱՍՐԱՔՅԱՆ

Աստապատի ս. Ստեփանոս վանքը բաղմիցս հիշատակվում է ինչպես XVII դարի պալատիկների, այնպես էլ ճանապարհորդների, ազգագիրների, վիճագիրների աշխատություններում: Ի տարբերություն Հայաստանի XVII դարի ճարտարապետական բաղմաթիվ համալիրների, Աստապատի վանքը այն սակավաթիվ հուշարձաններից է, որը չափադրվել և ներկայացվել է նաև մինչ-սովետական մասնագիտական դրականության մեջ: Նրա հատակագիծը (մոտավոր, մի շարք սնձշտություններով) և կառուցվածքների նկարագրությունը դեռ դարասկզբին հրատարակել է Երվանդ Լալայանը¹: Իսկ Ստրժիգովսկին իր ուսումնասիրության մեջ բերում է Լալայանի հրատարակած հատակագիծը և խոսում վանքի եկեղեցու մասին, ներկայացնելով այն որպես հայ ճարտարապետության երկու մուլթով գմբեթավոր կառուցվածքների ներկայացուցիչ (Աքորիի VII դարի եկեղեցու հետ միասին): Սակայն եթե Աստապատի վանքը XIX դարի վերջին և XX դարի սկզբին արդեն հայտնի էր դրականության մեջ և համեմատաբար ուսումնասիրված, ապա վերջին կես դարի ընթացքում այն դուրս էր մնացել հետազոտողների ուշադրությունից: Մինչդեռ իր ճարտարապետական մի շարք առանձնահատկությունների շնորհիվ Աստապատի համալիրը բավական հետաքրքիր և արժեքավոր է ուշ միջնադարի հայ ճարտարապետության պատմության համար: Այդ բացը լրացվեց 1974 թ. ձմռանը ՀՍՍՀ ԳԱ Արվեստի ինստիտուտի և Պատմական հուշարձանների պահպանության հայկական ընկերության համատեղ գիտարշավի ընթացքում, երբ ուսումնասիրվեց և չափադրվեց արդեն կիսավեր Աստապատի վանքը: Յավոր, համալիրը ժամանակի ընթացքում բավական քանդվել է՝ փլվել են եկեղեցու գմբեթը, սալերի վերին մասը, դավթի ծածկի հարավ-արևմտյան հատվածն ու հարավային պատը, դեռ անցյալ դարում քանդվել էին պարիսպները և բնակելի ու կոմունալ շինությունները: Այս պատճառով հնարավոր եղավ չափադրել միայն հիմնական հուշարձանախումբը՝ եկեղեցին և դավթը, իսկ պարիսպների ու մյուս շինությունների ճարտարապետության մասին այժմ կարելի է պատկե-

¹ Ն. Լալայան, Նախնիների ոստիկանական շրջան կամ Նախճավան, Թիֆլիս, 1902, էջ 150—154:

² Josef Strzygowski, Die Baukunst der Armenier und Europa. Wien. 1918, Band 1, էջ 179:

³ Աստապատի պատմության է նվիրված Գ. Գրիգորյանի «Աստապատ և նրա վանքերը» (եղեմիածին, 1963, N 12) հոդվածը: Աստապատի ս. Ստեփանոս վանքը հիշատակված է Փափազյանի 1890 թ. լուսանկարը վերահրապարակված է Ա. Ալվադյանի «Եկոթեր Նախիջևանի հայկական պատմական հուշարձանների վերաբերյալ» («Պատմա-բանասիրական հանդես», 1971, N 2) հաղորդման մեջ:

րացում կազմել միայն Մ. Փափազյանի՝ անցյալ դարի վերջին կառարած լուսանկարից⁴։

Աստապատի վանքը գտնվում է Նախիջևան քաղաքից հարավ, Արաքս գետի ձախ ափին, գետից բավական բարձր մի սուրառածոտ բլրի գագաթին։ Վանքը հայտնի է մի բանի անուններով՝ բոտ Առաքել Դավրիժեցու այն կոչվում է Ստեփանոս Նախավկայի անվամբ⁵, պարիսպները և նրանց կից շինությունները կարմիր քարով կառուցված լինելու պատճառով կոչվում է Կարմիր վանք, ինչպես և Քարատակի վանք⁶։ Հայտնի է նաև ինքրակատար ս. Ստեփանոս անունով⁷։ Նախկին Աստապատ գյուղի մոտ գտնվելու պատճառով գրականություն մեջ հաճախ այն անվանում են սոսկ Աստապատի վանք։ Վերջինն ավելի է տարածված ու նպատակահարմար, և մենք ներկա աշխատանքում այդ անունն ենք կիրառում, որովհետև Կարմիր վանք կամ Քարատակ ժողովրդական անվանումները ճիշտ չեն (Հայաստանում մի բանի տասնյակ եկեղեցի և վանք կոչվում են Կարմիր՝ քարի գույնի համար), իսկ Ստեփանոս Նախավկա կոչվում է նաև Աստապատի հարևան, Արաքսի մյուս ափին կառուցված Դարոշամբի կամ Մաղարդա վանքը։

Աստապատի վանքը, հավանաբար, հիմնադրվել է դեռ վաղ միջնադարում, որովհետև արդեն 976 թ. այն հիշվում է Նաչիկ Ա. կաթողիկոսի կոնդակի մեջ և նույն թվականի խաչքար է ապացուցված եկեղեցու դռան աջակողմում⁸։ Կյանքն Աստապատում հարատևել է մինչև ուշ միջնադար, որի վկայությունն են վանքի պատերում դրված 1277, 1471, 1477, 1481 թթ. խաչքարերը⁹։ Սակայն վանքը թե՛ ժամանակից և թե՛ հատկապես Շահ Աբբասի ասպատակություններից ավերվում է, որի պատճառով XVII դարում այն մի բանի անգամ վերակառուցվում է։ Աստապատի վանքը հիմնովին վերակառուցում է XVII դարի սկզբի խոշոր կրոնական գործիչ Պողոս Մոկացի վարդապետը, որը բազմաթիվ վանքեր ու զպրոցներ հիմնեց Հայաստանում, հատկապես Ատրպատականում և Գողթան գավառում՝ «...ի տեղիս հաստատելը զպրատունս, և յիրոց աշակերտաց կացուցանելը զպրատեսս, և զմանս ի մանկանց զպատշաճաւորս ընդ իւր շոջեցուցանելով ուսուցանել... Իսկ սա ուր և հասանէր, հիմնադրէր եկեղեցին՝ պատշաճաւոր ձևով դեպ ուղիղ ընդարևելս ունելով զգիրս՝ զեղեցիկ շինուածով խորանքն և լուսամուտին և կաթողիկէն և այլքն ամենայն։ Եւ ըստ այսմ սարասի բարոգելով և զեկեղեցի շինելով, և հաս մինչ ի գիւղաքաղաքն Աստապատ, և նախ զնոցին վանքն շինեաց՝ որ յանուն սրբոյն Ստեփաննոսի Նախավկային է՝ ամուր պարսպի, և երկաթապատ դրամբք և յետ աւարտմանց վանիցն՝ սկսաւ զզեղչն եկեղեցին շինել...»¹⁰։ Պողոս Մոկացին Աստապատի վանքը պետք է կառուցած լինի մինչև 1618 թ., որովհետև այդ նույն թվականին նրա հակառակորդ ու թշնամի Մելքիսեդեկը բանտարկությունից ազատվելով, Շահ Աբբասի կողմից նշանակվեց կաթողիկոս և սկսեց հալածել Պողոս վարդա-

4 Մ. Փափազյան, Գողթան գավառ (այրում), Վաղարշապատ, 1890։

5 «Պատմություն Առաքել վարդապետի Դարիժեցոյ», Վաղարշապատ, 1896, էջ 270։

6 Ա. Ի. Հաչ, Սիսական, Վենետիկ, 1893, էջ 511։


7 Ե. Լալայան, Նախճավան, էջ 159։

8 Ա. Ի. Հաչ, Սիսական, էջ 511։

9 Նույն տեղում։

10 Առաքել Դավրիժեցի, էջ 269—270։

պետին¹¹։ Վերջինս հեռացավ Սյունյաց մեծ անապատը, որտեղ և վախճանվեց 1621 թ.¹²։ Իսկ Աստապատի վանքի շինարարության սկիզբը հնարավոր էր 1615—1616 թթ. թուրք-պարսկական հերթական պատերազմից հետո, երբ նախիջևանը (հետեաբար և Աստապատը) զրավեցին թուրքերը և ապա ետ վերցվեց Օսմանյան կողմից։



Կառույցի ընդհանուր տեսքը

Պողոս Մոկացու շինարարական գործունեության պահպանված վկայությունը վանքի տարածքը երկու մասի բաժանող պարսպի մուտքի կամարի վրա փորագրված արձանադրությունն է. «Ի ժամանակս պարսից արքային Շահապասի ևս Պողոս վարդապետս Բումայ եպս առաջնորդ եւ մեք աստապատեցի րահանայք և ժողովուրդք նորոգեցինք ըզպարիսպս զայս եւ ընկերօքս իմ շինեցինք ըզպարիսպս ի հիմանց կաման ամենակալին Յսի»¹³։

XVII դարի կեսերին վանքը հիմնովին վերակառուցում է Աստապատի Հակոբ վարդապետը («... շինեալ պայծառացոյց զբովանդակն, զպարիսպն և զեկեղեցին և զամենայն շորս ի նմա կան շինուածք»¹⁴), որը թաղված է եկեղեցու հարավային կողմում. նրա գերեզմանը ունի 1673 թ. տապանագիր¹⁵։ Վանքի առաջնորդ Հովսեփ վարդապետը XVII դարի վերջում վերանորոգում է պարիսպները և կառուցում արևմտյան կողմի շինությունները. «... յամի 1697 սկզբին եղև շինութեան սուրբ Սիստիս ի կողմն յարեմտեան, կոլածոյ

¹¹ Մ ա ղ ա ր ի ա ա ր ք ե պ ի ս կ ո պ ո ս Օ Ր մ ա ն յ ա ն, Ազգապատում, հատ. Բ, Բեյրութ, 1960, էջ 2349։

¹² Նույն տեղում, էջ 2350։

¹³ Յ ո վ հ ա ն ն ե ո ե պ ի ս կ ո պ ո ս Շ ա հ խ ա թ ու ն ե ա ն ց, Ստորագրութիւն կաթողիկէ էջմիածնի և հինգ դաւառացն Արարատայ, հատ. 2, էջմիածին, 1842, էջ 300։

¹⁴ Ա լ ի շ ա ն, Սիսական, էջ 507։

¹⁵ Ն. Լ ա լ ա յ ա ն, Նախնավան, էջ 154։

վիմօք, ներքնատնօք և վերնատնօք զարդարեալ կամարակապ»¹⁶։ Շինարարությունը ավարտվել է մինչև 1706 թ., որովհետև այդ թվականին Հովսեփ վարդապետը վախճանվել է և թաղվել վանքի դավթում¹⁷։

Արևելյան պարսկի մեծ դարպասի վրայի արձանադրությունը պատկանում է 1707 թ. և «...լիշատակ է պարիսպս վերակացու ճովհաննէս վարդապետին...»¹⁸։

ԱՄՄ դարի սկզբին պարսից թագաժառանգ Աբբաս Միրզան քանդում է արևելյան պարիսպը լրիվ և հարավայինը՝ մինչև դարպասը ու քարերն օդադործում իր կառուցած Աբասապատ ամրոցի «խանդակը» շինելու համար¹⁹։

1831 թ. նիկողայոս վարդապետը նորոգում է եկեղեցու հիմնապատերը, սակայն 1840 թ. երկրաշարժից վանքը բավական վնասվում է. «...Ճեղքեցաւ ի տեղիս զանդակատունն եկեղեցոյ մենաստանիս՝ որ ի վերայ դաւթին և ինչինչ խարխալմունք ի սենեակսն և ի պարիսպն. քանդեցան իսպառ ձիթհանք և չրաղացն...»²⁰։ Սակայն Աստաղատի վանքը վերստին նորոգվում է և 1890 թ. Փափաղյանի լուսանկարում այն հիմնականում կանգուն է, բացառությամբ դավթի զանդակատան։ Վերանորոգումը հավանաբար կատարվել է 1870-ական թթ., երբ վանքի առաջնորդը Հովակիմ Լուիսկոպոսն էր²¹։ ՄՄ դարի սկզբին Աստաղատի վանքը փաստորեն լքված էր և մասամբ ավերված, որովհետև վանահայրը «...վանքի սենյակները երկաթուղու դիօր անցկացնող կապալառուին տվել էր օգտվելու այն պայմանով, որ նա վերանորոգե եկեղեցու մի քանի խախտված մասերը»²²։ Այժմ, ինչպես նշվեց, քանդված են նաև Աստաղատի վանքի եկեղեցու դմբերը, պարսպապատերը և նրանց կից շենքերը։ Սակայն թե՛ վանքի և թե՛ եկեղեցու ծավալա-տարածական հորինվածքը հնարավոր է վերականգնել անցյալ դարի լուսանկարների և չափանի նկարադրության հիման վրա (վերջինս ամենայն բարեխղճությամբ նկարադրում է նաև մանրամասներն ու եկեղեցու որմնանկարների բովանդակությունը)։

Աստաղատի վանքի զլխավոր հատակագիծը կրկնում է Հայաստանի XVII—XVIII դդ. համալիրների հորինվածքը։ Մոտավորապես ուղղանկյուն պարսպապատերով շրջափակված տարածության մեջտեղում բարձրանում են եկեղեցին և նրան արևմուտքից կից դավթը։ Պարիսպներին ներսի կողմից պարազծով կից կառուցված են բնակելի և կոմունալ շինությունները։ Այսպիսի զլխավոր հատակագիծ ունեն Հայաստանի ուշ միջնադարի վանքերի և անապատների ճարտարապետական համալիրները, լինի դա Այրարատում, Սյունիքում թե՛ Վասպուրականում։ Աստաղատում ևս համակառույցը ենթարկված է ֆունկցիոնալ զոնավորման՝ այն պարսպով բաժանվել է երկու մասի, որոնցից արևմտյանում՝ գտնվում են պաշտամունքային և բնակելի կառուցվածքները, իսկ արևելյանում՝ դոմբ, մթերանոցները, կոմունալ մյուս շենքերը։ «Այս պարիսպը զոլով երկար քառանկիւնի յարեւելից յարեւմուտս բաժանեալ է յեր-

16 Ա. Լիշան, Սիսական, էջ 513։

17 Նույն տեղում։

18 Կ. Լալայան, Նախճավան, էջ 156։

19 Շախխաթուհյանց, նշվ. աշխ., էջ 301։

20 Նույն տեղում։

21 Ա. Լիշան, Սիսական, էջ 513։

22 Կ. Լալայան, Նախճավան, էջ 151—152։

կուս. ի բաժնի անդ արևմտեան է տաճարն և կացարանք միարանիցն բարա-
շենք հանդերձ պարսպօրն, իսկ յարևելյան բաժնի տեղիքն անասնոց և վերա-
բերելոյն այնց. միակ պարիսպն, որ բաժանէ զմենաստանն յերկուս, գոլով
ի հողոյ՝ քայքայեալ է ինքնին...»²³: Վանքի արևելյան մասի թե՛ պարիսպը և
թե՛ նշված շինությունները այժմ անհետացել են: Սակայն այս նկարագրու-
թյունից պարզվում է, որ հենց սկզբից եկթ (ինչպես նշվեց, բոտ արձանա-
դրության այս միջանկյալ պարիսպը և նրան կից շինությունները կառուցել
էր գեո Պողոս վարդապետը) համալիրն բոտ շինությունների նշանակության
հետակ բաժանվել է երկու մասի: Այսպիսի ֆունկցիոնալ բաժանումը, երբ
կոմունալ շինություններն ներքին պարսպով ստանձնացվել են հիմնական
կառույցներից և տեղադրվել վանքի մուտքի մոտ, ունեն XVII դ. Տաթևի մեծ
անապատը, Շատին վանքը Սյունիքում, ս. Թագեի վանքը²⁴ Ատրպատականում
և այլն: Սա կարևոր է նաև պաշտպանական տեսակետից՝ արտադրական և
անտեսական շենքերով ստացվող բակը ներթափանցելուց հետո միայն հնարա-
վոր է մոտենալ վանքի հիմնական կառուցվածքներին:


Աստապատի եկեղեցին կենտրոնագմբեթ կառուցվածքին մոտ համա-
չափություններ ունի՝ այն արևելք-արևմուտք առանցքի ուղղությամբ քիչ է
ձգված (լայնության և երկարության մոտավոր հարաբերությունն է՝ 1:1,3):
Հուշարձանի այսպիսի համաչափության պատճառը նրա հատակադձային
հորինվածքն է. այն ունի միայն մեկ զույգ մույթ, և գմբեթը բարձրանում է
մույթերի միջև ու մույթերից դեպի բեմի աբսիդի արևմտյան պատը զցված
կամարներով ստացվող գմբեթատակ քառակուսու վրա: Նման հորինվածքը
տարածված է ուշ միջնադարի հայ ճարտարապետության մեջ և ընդհանրա-
պես սակավ է հանդիպում Հայաստանի ճարտարապետական հուշարձան-
ներում: Վաղ միջնադարում մեղ հայտնի մյուս օրինակը Անուստաս կաթողի-
կոսի Աբորիում կառուցած եկեղեցին է (661—668), իսկ ավելի ուշ այն հան-
դիպում է Վասպուրականի Սբանչևադործ վանքում: Այս կառուցվածքներում,
քառամույթ գմբեթավոր հուշարձանների VII դարում տարածված հորինվածքը
(Մբեն, Գաչանե, Բաղավան) ստեղծագործաբար վերամշակելով ստացել են
մեկ զույգ մույթներով գմբեթավոր շենք, որտեղ ազատվել են արևելյան կող-
մի մույթերից, և գմբեթակիր կամարները արևելքում հենվում են բեմի աբսիդի
կոնտրուկտիվ աուումով բավական ուժեղ անկյունների վրա: Ուշ միջնադարում
ո՛չ Այրարատում և ո՛չ Սյունիքում այս հորինվածքը չի հանդիպում: Աստա-
պատին հարևան Գողթան և Երնջակ գավառներում նույնպես, որպես կանոն,
կիրառվել է ավանդական քառամույթ գմբեթավոր բազիլիկայի հորինվածքը
(Ագուլիսի ս. Թովմայի վանքը, Ագուլիսի XVII—XVIII դդ. եկեղեցիները,
Երնջակի ս. Կարապետ, Փառակայի ս. Հակոբ վանքերը, Ցղնայի Աստվածածին,
Շոթոթի եկեղեցիները և այլն): Սակայն եթե Աստապատի եկեղեցու այս
հորինվածքը բացառիկ է XVII դ. Արևելյան Հայաստանի համար, ապա այն
բավական ընդունված էր ուշ միջնադարում Վասպուրականում. մեկ զույգ
մույթով գմբեթավոր կառուցվածքներ են Կտուց անապատի, Կարմրավոր
Աստվածածնի վանքի, Չարահան ս. Նշան վանքի եկեղեցիները²⁵, Բայց եթե

²³ Շ ա ղ խ ա թ ա յ ա ն ց, նշվ. աշխ., էջ 299:

²⁴ «Documenti di architettura Armena», 4. S. Thadei vank, Milano, 1971.

²⁵ Տե՛ս ն. լ ա յ ա յ ա ն, Վասպուրական, Նշանավոր վանքեր, Ապրակ, Քիֆլիս, 1912:

հատակագծի ընդհանուր համաչափություններով այս եկեղեցիները նման են Աստաղատի հուշարձանին, ապա ծավալա-տարածական ողջ հորինվածքում կան էական տարբերություններ։ Ամենակարևորը գմբեթի տեղադրության հարցն է։ Նթև, օրինակ, Կտուց անապատի, ս. Կարապետի և Ջարահան ս. Նշանի եկեղեցիների գմբեթները տեղադրված են ողջ հորինվածքի համարյա մեջտեղում, և իրենց ծավալային լուծմամբ այդ հուշարձանները նման են կենտրոնագմբեթ կառուցվածքներին, ապա Աստաղատում այն զգալի տեղաշարժված է դեպի արևելք։ Համարյա բառակուսի հատակագիծ ($10,25 \times 11,05$ մ) ունեցող աղոթասրահի արևմտյան հատվածը մույթերից



Կառույցի գլխավոր հատակագիծը

դեպի աբսիդն ընկած տարածության համեմատ ավելի երկար է։ Տարբերությունն ավելի է մեծանում արևմտյան որմնամույթների զգալի երկարությամբ։ Նթև ընդերկայնական պատերի որմնամույթները պատի հարթությունից դուրս են գալիս ընդամենը 0,16 մ, ապա արևմտյանները՝ 1,06 մ։

Ինչպես տեսանք, Աստաղատի եկեղեցու հատակագիծը ունի անհամաչափ լուծում։ Շինարարները չեն կրկնել ավանդական ձևերը, այլ վերացնելով արևելյան մույթերը և դրանց փոխարեն որպես հենարան օգտագործելով բեմի աբսիդի ուժեղ և հաստատուն պատերը, մեծապես ուժեղացրել են ինչպես կառուցվածքի ընդհանուր ամրությունը, այնպես էլ սեյսմակայունությունը։ Իրենց չափերով բավական հզոր են և մույթերը՝ նրանք ուղղանկյուն են և կտրվածքում ունեն $1,25 \times 1,00$ մ չափերը։ Սեյսմակայունությանը նպաստում է նաև մույթերից դեպի երկայնական պատերը ընկած և գմբեթակիր արևմտյան կամարների չափազանց մեծ լայնությունը՝ 2,25 մ։

Աստաղատի եկեղեցու հատակագծի մյուս առանձնահատկություններից է բեմի խորանի բազմանիստ (հնգանիստ) լինելը։ Խորանի նման ձևը բնորոշ է Հայաստանի ճարտարապետական հուշարձաններին, ընդունված են բեմի էիսաղրջանաձև կամ պալատաձև (վաղ միջնադարում) և սակավ՝ ուղղանկյուն

հատակագծերը: Սակայն եթե Աստապատի եկեղեցու բեմն իր նմանօրինակը չունի բուն Հայաստանում, ապա հենց նույն XVII դարում բազմաթիվ խորանների հանդիպում են հարևան Պարսկաստանի հայ նշանավոր գաղթօջախ Նոր-Ջուղայում. այստեղ եռանիստ բեմի աբսիդ ունեն ս. Ամենափրկիչ վանքը (1658), ս. Գևորգ (1611), ս. Աստվածածին (1613), ս. Ստեփանոս (1614), Բեթղեհեմի (1627), ս. Սարգսի (1609, վերակառուցված 1881 թ.), ս. Մինաս (1663) եկեղեցիները և ուրիշները³⁶: Նորանի նիստերը մշակված են խոր ու բարձր խորշերով, որոնք ավարտվում են շեշտված պալատաձև կամարներով: Միջին խորշից դեպի դուրս բացվում է լայն լուսամուտ, իսկ



Կառույցի ինտերյերը և մուտքը գաղթից

մյուս խորշերը զարդարված են որմնանկարներով: Բեմի երկու կողմերում տեղադրված են ուղղանկյուն հատակագծով ավանդատներ, որոնք արևելյան պատում ունեն դռից նեղ ու դեպի ներս լայնացող լուսամուտներ: Ավանդատների, ինչպես և աղոթասրահի բոլոր պատերում կան խորշեր՝ «պատրհաններ», սլաքաձև կամարով ծածկված:

Աստապատի եկեղեցին կառուցված է թեթևդիր տեղանքի վրա, որի հետևանքով արևելյան կողմում հատակը զգալի բարձր է գետնից: Կառուցողներն օգտագործել են այս հանգամանքը և բեմի ու ավանդատների հատակի տակ իրականացրել են նկուղային հարկ, դեպի ուր կարելի է իջնել եկեղեցու միջից, շարժական սանդուղքով: Այն որպես թաքստոց է ծառայել և այստեղ են պահվել վանքի սրբոթյուններն ու դանձերը թուրքական կամ պարսկական

³⁶ John Carswell, New Julfa, Oxford, 1968.

աստղատակությունների ժամանակ²⁷։ Բեմի տակ նման թաքստոց XVII դարում հանդիպում է հարևան Արևիբում՝ Վահրավարի Կարմրավանքում²⁸։

Աղոթասրահը լուսավորվում է հյուսիսային և հարավային պատերում բացված երկուական պատուհաններով։ Ժամանակին այն լուսավորվել է նաև դմբեթի մեջ բացված ութ պատուհանով։ Գմբեթի շափերի ու հորինվածքի մասին այժմ կարելի է պատկերացում կազմել միայն լուսանկարներից և ն. Լալայանի նկարազրույցներից։ Գմբեթը կառուցված է եղել աղյուսից, և թմբուկը բավական բարձր է եղել՝ 5,7 մ²⁹։ Գմբեթի և ողջ եկեղեցու բարձրության հարաբերությունը կազմում է մոտ 1:2։ Սակայն տրամագիծը մեծ չէ՝ 5,7 մ և այդ պատճառով այն ունի բավական սլացիկ համաչափություններ, որին նպաստել է և սրածայր բրդաձև վեղարը։ Թմբուկը եղել է ութանիստ, որոնցից յուրաքանչյուրի ստորին մասում բացվել է կամարակապ փոքր լուսամուտ։ Նիստերը մշակված են ողջ բարձրությամբ ուղղանկյուն շրջանակով, որի մեջ ներդրված են սլաքաձև կամարով ավարտվող երկուական խորշեր։ Ներքևի խորշերի մեջ էլ տեղադրված են լուսամուտները։

Եկեղեցու միակ մուտքը գտնվում է արևմտյան ճակատում և բացվում է դեպի դավիթը։ Վերջինիս ուղղանկյուն ծավալը կառուցվում է կիսամշակ բաղադրեքներով, կրաշաղախով։ Աստաղատի վանքի դավիթը իր հորինվածքով առանձնանում է ուշ միջնադարի Հայաստանի նույնատիպ կառուցվածքներից։ Եթե XVII—XVIII դդ. վանքերի և անապատների համալիրների դավիթները Վասպուրականում օրինակ ավանդական քառամույթ հորինվածք (Լիմ, Կտուց, Նարեկավանք, Վարդգավանք, Աղթամար)³⁰, իսկ Սյունիքում և Այրարատում՝ եռակամար դավիթ-սրահի հորինվածք, ապա Աստաղատում դավիթն ունի երկու մույթ և նրա զանգակատան դմբեթը բարձրացել է մույթներից դեպի եկեղեցու արևմտյան պատին՝ ընկած կամարների վրա։ Գավթի մույթները բավական զանգվածեղ են (0,9×1,40 մ), ուղղանկյուն կտրվածքով և դմբեթից բացի իրենց վրա կրում են նաև ծածկի թաղանթ։ Սոսկ երկու մույթների առկայությունը պատճառ է հանդիսացել դավթի երկարության զգալի կրճատման (7,6 մ), մինչդեռ լայնությունը կազմում է 11,6 մ (ներսի շափերը)։ Գավթի հատակադժուժ ստացվել է ձգված հարավ-հյուսիս ուղղությամբ։ Մուտքերը երկուսն են՝ հյուսիս-արևելյան և հարավ-արևելյան անկյուններում։

Հիմնական հուշարձանախմբի (եկեղեցի և դավիթ) ղլխավոր՝ արևելք-արևմուտք առանցքով մուտքի բացակայությունը հետևանք է վանքի ղլխավոր հատակադժի առանձնահատկությունների և բխում է ֆունկցիոնալ անհրաժեշտությունից։ Աստաղատի վանքը արևմուտքից շրջապատի նկատմամբ բավական բարձր է տեղադրված և այս կողմից մոտենալու հնարավորություն չունի, որի հետևանքով վանքի մուտքը իրականացված է արևելքից։ Իսկ դավթի մուտքը արևմուտքից բացելու դեպքում այցելուն պետք է շրջանցեր ոչ միայն եկեղեցին, այլև դավիթը։ Եվ ճանապարհը կրճատելու, ինչպես նաև վանքի

27 Ե. Լալայան, Նախճավան, էջ 153։

28 Մ. Հասրաբյան, Սյունիքի XVII—XVIII դարերի ճարտարապետական համալիրները, Երևան, 1972։

29 Ե. Լալայան, Նախճավան, էջ 152։

30 Ե. Լալայան, Վասպուրական, Նշանավոր վանքեր։

տրեմտյան կողմի բնակիչի սենյակները այցելուների հոսքից մեկուսացնելու համար զավթի արեմտյան ճակատը խուլ է արված:

Հետաքրքրական է Աստապատի վանքի շինարարական տեխնիկան: Մինչև այժմ գրականություն մեջ արմատացած է աջն տեսակետը (որպես փաստ ներկայացվող), որ եկեղեցին կառուցված է աղյուսից: Լալայանը, նկարագրելով վանքի եկեղեցին, գրում է, որ այն «... շինված է կարմիր, տաշած բարից մինչև մի սաժեն բարձրության, չհաշված հիմքը, և թրծած աղյուսից՝ մնացած մասը և զմբեթը»³¹: Նույնը նշում է և Ալիշանը³²: Աստապատում զմբեթը, իրոք, կառուցված է եղել աղյուսից: Սա նորոյն չէր XVII դարի հայ ճարտարապետական հուշարձաններում՝ եկեղեցու հիմնական ծավալը քարից, իսկ զմբեթը աղյուսից կառուցելը տարածված էր Դոդլմանում, Մեղրիում: Աղյուսի զմբեթ ունեն Աղուլիսի ս. Քրիստափոր, Գոռթի ս. Հակոբ, Մեղրու վանքի, Մեղրու ս. Աստվածածին եկեղեցիները և ուրիշներ: Մական Աստապատի վանքի եկեղեցին ոչ թե կառուցված է աղյուսից, այլ երեսպատված, իսկ հիմնական ծավալը շինված է կիսամշակ և անմշակ բազալտ քարից ու որձաքարից, կրաշաղախով: Սա, իսկապես, հազվագյուտ է Հայաստանի միջնադարյան շինարարական տեխնիկայում: XVII դարում քարաշեն եկեղեցիների ներսում օգտագործվել է աղյուս. օրինակ՝ Մեղրու վանքի ներսակողմը մշակված է աղյուսի դեկորատիվ որմնակամարներով: Աղյուսը լայնորեն կիրառվել է նաև Աստապատի վանքի եկեղեցու և զավթի ներսում՝ աղյուսից են շարված որմնակամարները, բեմի խորշերը, «պատեր-հանները», զմբեթի առագաստային անցումը և այլն: Սական եկեղեցու ներսակողմը որմնակամարների համար սկզբից եկել սվաղվել է ու աղյուսը ոչ մի դեր չի խաղացել նրա հարդարանքում: Իսկ դրսում պատկերը հակառակն է՝ ճակատներում բարե շարվածքի գեղադիտական հատկություններից հրաժարվելը և աղյուսի երեսպատումը իր հետ բերել է աղյուսե ճարտարապետությանը բնորոշ ձևեր:

Աստապատի եկեղեցու պատերի ստորին մասը, դրսից մոտ 1 մ բարձրությամբ, երեսպատված է կարմիր քարով: Արևելյան և ընդերկայնական հսկատները մշակված են երեքական բարձր, շեշտված սլաքածն որմնակամարներով: Նման ուրվագիծ ունեն լուսամուտների, խորշերի վերջավորությունները, եկեղեցու և զավթի կամարները: Դմբեթատակ քառակուսու առագաստային անցումը, ալիքածն մշակված, բնորոշ չէ հայ ճարտարապետությանը: Թե՛ զավթի և թե՛ եկեղեցու ծածկերի կոնստրուկցիաները ևս կրում են օտար շինարվեստի ազդեցությունը: Այսպես, ծածկի կամարներով բաժանված հատվածները ոչ թե թաղակապ են, այլ կրկնակի կորույթյան թաղանթներ են, որոնք վերևում իրենց ծավալներով դուրս են գալիս տանիքից և զմբեթների տպավորություն են ստեղծում: Այդ պատճառով եկեղեցու և զավթի տանիքները երկվեք լանջեր չունեն և իրենց ուրվագծով հիշեցնում են մուսուլմանական ճարտարապետության աշխարհիկ կառուցվածքներ: Ուշ միջնադարում հայկական եկեղեցիներում ծածկի նման եղանակը կիրառվել է հատկապես Իսպահանի (նոր Զուղայի) պարսկահայ զաղութի եկեղեցի-

³¹ Ե. Լալայան, Նախնական, էջ 152:

³² Ալիշան, Սիսական, էջ 511:

ներում և հաղվաղեալ հանդիպում է նաև Պարսկաստանին անմիջապես հաջորդող նախնիքեանի դավառում (օրինակ Զնաբերդի եռանավ բաղիլիկան):

XVII—XVIII դդ. Հայաստանից բացի պարսկական ազդեցությունը նկատվում է նաև հարևան Վրաստանի ճարտարապետական հուշարձաններում (օրինակ, Նինոցմինդայի, Թրիլիսիի Անչիսխատայի եկեղեցիները, Ալավերդու վանքի սեղանատունը, Գրեմիի, Չիկտանիի եկեղեցիները և այլն)³³։ Սակայն թե՛ Հայաստանում և թե՛ Վրաստանում օտար ձևերի ու օտար գեղարվեստական ճաշակի ազդեցությունը (հաճախ պատվիրատուի կողմից թելադրված) սահմանափակ էր և չէր տարածվում կառուցվածքների ողջ հորինվածքի վրա։ Պարսկական, ընդհանրապես մուսուլմանական որոշ ձևերի առկայության դեպքում էլ հուշարձաններն ունեն իրենց ուրույն ազդային կերպարը և հորինվածքը, նրանք այդ դեպքում էլ ամբողջական են, ստեղծված տեղական ճարտարապետության ավանդական ձևերի և նվաճումների հիման վրա։

Աստաղատի վանքի եկեղեցու և դավթի պատերի ու ծածկի բանդվելուց հետո տեղում պարզ երևում են շինարարական տեխնիկայի մի շարք մանրամասնություններ ևս։ Բացի այն, որ բացահայտվեց եկեղեցին ոչ թե աղյուսով կառուցելու, այլ երեսպատելու փաստը, երևան եկան կառուցողների կիրառած հակասկսմիկ միջոցառումները ևս։ Եկեղեցու պատերի շարվածքի մեջ, պարագծով դրված են փայտե հեծաններ։ Այս կառուցողական հնարքը հանդիպում է հայ ճարտարապետական հուշարձաններում ղեռ վաղ միջնադարից սկսած։ XVII դարի փայտե գոտիների հանդիպում ենք նաև Սյունիքում (օրինակ, Շատին վանքի պարիսպներում)։ Կառուցվածքների կալունությունն ապահովելու համար հայ շինարարները ձգտել են հնարավորին չափ թեթևացնել նրանց վերին մասերը, որովհետև «... բավական կարևոր նշանակություն ունի շենքի ընդհանուր զանդվածի ծանրության կենտրոնի տեղաբաշխումը։ Կառուցվածքների միևնույն ծավալի դեպքում որքան ցածր լինի տեղադրված ծանրության կենտրոնը, այնքան շենքը լավ կդիմագրի սեյսմիկ ցնցումներին»³⁴։ Ուշ միջնադարում դմբեթավոր կառուցվածքներում սա արտահայտվել է, առաջին հերթին, շինանյութի ընտրության հարցում. թե՛ հարավային Սյունիքի և թե՛ նախնիքեանի շրջանի XVII դարի եկեղեցիների մեծ մասի դմբեթ կառուցված է ոչ թե շենքի հիմնական ծավալի շինանյութից՝ բազալտից, այլ աղյուսից։ XVII—XVIII դդ. Հայաստանի ճարտարապետական համալիրներում կառուցվածքների վերին մասի ծանրության նվազեցումը կատարվում էր նաև ծածկի թաղի և տանիքի միջև եղած լիցքի թեթևացումով։ Աստաղատի դավթի կամարների, ծածկի կիսադնդաձև թաղանթների ու տանիքի արանքում, կառուցողական դեր չխաղացող և ավելորդ բևե հանդիսացող բետոնի լիցքի փոխարեն թողել են թունելանման թաղակապ խորշեր։

Աստաղատի վանքի հիմնական հուշարձանախմբի արտաքին հարդարանքը պարզ է և համեստ։ Գավիթը փաստորեն գոյություն է գեղարվեստական

³³ Գ. Մ. Կլյուցնիշվիլի, Вопросы истории искусства, т. I, Тбилиси, 1970, էջ 308—320։

³⁴ Օ. Մ. Халпахчьян, Строительные традиции народных мастеров Армении, Архитектурное наследие, М., № 3, էջ 67։

տարրերից, և կիսամշակ բարից կառուցված նրա ուղղանկյուն ծավալն ունի բավական անհրապույժ տեսք: Հարդարանքի միակ տարրը դռների պարզունակ շրամուտքերն են (հարավայինը լրիվ բունդված է, և պետք է ենթադրել, որ այն ունեցել է հյուսիսային դռան հորինվածքը): Հյուսիսային շրամուտքի դռան ուղղանկյուն բացվածքը ներգծված է կիսաղլանիկի տրամատ ունեցող որմնակամարի մեջ, բրդ հանդուժ է կրնկածե մշակված իմպոստների վրա: Կամարը նույն տրամատով շարունակվում է իմպոստներից ներքև, վերածվելով որմնասյունիկի: Շրամուտքը շարված է սրբատաշ կարմրավուն քարից, որի պատճառով, չնայած իր համեստ ձևերին, հյուսիսային պատի գույրը ֆոնի վրա բավական տոյավորիչ է:

Եկեղեցու արտաքին ճակատների հարդարանքը նույնպես պարզ է՝ աղյուսի ղեկքրատիվ կամարաշարով: Ծավալային լուծման մեջ ամենակատիվ տարրը եղել է բարձր գմբեթը, որն իր չափերի և ավելի մանրամասն մշակման շնորհիվ ողջ ծավալա-տարածական հորինվածքի դոմինանտն է եղել: Ծոխ հարդարանք ունի եկեղեցու միակ՝ արևմտյան դռան շրամուտքը, որը, սակայն, բացվում է գավթի մեջ և շենքի արտաքին ձևավորման խնդրում դեր չի խաղում: Այն փաստորեն վարդարում է գավթի սվաղված, որմնանկարներից և հարդարանքից զուրկ ներսակողմը: Շրամուտքը կրկնում է XII—XIV դդ. տարածված ձևերը: Դռան ուղղանկյուն բացվածքն ունի սլաքաձև ուրվագծով տիմպան, որը եզերված է ստալակտիտային մշակում ունեցող բավական լայն, նույնպես սլաքաձև կամարով: Վերջինս նստում է դռան երկու կողմերի զույգ որմնասյուների վրա, պսակված ղեղաձև խոյակներով: Տիմպանը քանդակազարդ է՝ երեք խաչ միահյուսված են բուսական նուրբ զարդաքանդակներով: Սակայն դռան բացվածքի համեմատ շրամուտքը իր չափերով մեծ է: Անհամաչափ լայն է ստալակտիտային կամարը, կարճ են որմնասյուները, մեծ՝ խոյակները և այլն: Շրամուտքի երկու կողմերում, պատի մեջ տեղադրված են երկու խաչքար, որոնք նույնպես դռան ձևավորման տարրերից են (խաչքարերից մեկը թվագրված է 977 թ.): Եկեղեցիների շրամուտքերի հորինվածքում խաչքարերի օգտագործումը հայ ճարտարապետության մեջ շատ ավելի վաղ է հանդիպում (օրինակ Մաթենիաց վանքի եկեղեցու մուտքը դավթում): Հարդարանքի այս հնարքը տարածում ստացավ հատկապես XVII դարում. խաչքարերով վարդարված է, օրինակ, Շնհերի Կուսանաց անապատի եկեղեցու հարավային դուռը, իսկ Սիսիանի շրջանի Գիտաթաղ ղյուղի Էռանավ բաղիլիկայի (XVII դար) շրամուտքի հորինվածքում խաչքարերը վերջինիս օրգանական մասն են հանդիսանում, ևստապատում նրանք սոսկ տեղադրված են դռան երկու կողմերում, բայց և այնպես զգալի դեր են խաղում եկեղեցու մուտքի ձևավորման գործում և ուժեղացնում նրա զեղարվեստական արտահայտչականությունը:

Աստապատի եկեղեցու ներսակողմի հարդարանքը իրականացված է բացառապես որմնանկարներով: Կամարների երեսները, խորանի գմբեթադր զարդարված են բուսական մոտիվներով որմնանկարներով: Ընդերկայնական պատերի վերին մասերում կան սյուժետային որմնանկարներ, որոնք բավական վնասված են (հարավային պատի վրա, հավանաբար, պատկերված է ավետման տեսարանը): Բեմի խորշերի մեջ, բուսական զարդանկարներով երիզված, պատկերված են միանման զիրբով և հազուստով սրբերի ֆիգուրներ (նույնպես զգալիորեն վնասված): Թմբուկը և առաջատները ևս ծածկված

են հղել որմնակարներով, որոնք նկարագրում է Ե. Հալալյանը. «Ութ փոքրիկ պատուհաններ էլ բացվում են դմբեթի ներքևի մասում և որոնց միջև կան հետեյալ սրբերի պատկերները՝ իրենց մակագրությամբ. Սեղբեստրոս Հայրապետ, Խեոդոս թագավոր (գայիսունը ձեռին), ս. Ներսես, Աբգար թագավոր (գաստառակը ձեռին), ս. Սահակ Պարթև, Տրդատիոս թագավոր, ս. Գրիգոր Լուսավորիչ և Կոնստանդինոս թագավոր: Սրանցից ներքև, կամարների անկյուններումն էլ նկարված են չորս ավետարանիչների պատկերները»³⁵: Որմնակարները, ըստ մակագրության, կատարված են 1859—1860 թթ.³⁶: Վանքի հարդարանքում օգտագործվել են նաև քանդակներ: Այսպես, դմբեթի քարերի մեջ հղել են երկու առյուծի քանդակ, իսկ արևելյան մեծ դարպասի վրա քանդակված է հղել արծիվ՝ ճանկերի մեջ մի դառ բռնած³⁷:

Վանքի մյուս շինություններից համարյա ոչինչ չի մնացել: Պարիսպները կիսով չափ պահպանվել են արևմտյան և հյուսիսային կողմում, նրանք բարձր են հղել, կառուցված սրբատաշ կարմիր քարից, վանքի բակը շրջապատից զգալի բարձր է տեղադրված և արևելյան, հյուսիսային ու հարավային պարիսպները նաև որպես հենապատ են ծառայել: Այս պատճառով պարիսպներին կից բնակելի և օժանդակ շենքերը երկհարկ, նույնիսկ եռահարկ են հղել: Պարիսպներն ուժեղացված են կիսաշրջանաձև աշտարակներով, իսկ զոյաի բարձրության և երկարության ղեպում պատերի կաշտնությունն ու կաշտությունն ապահովելու համար հարավային կողմում նրանք ոչ թե ուղղադիմ են, այլ կոտրտված՝ ելուստներով: Պարիսպներին կից շինությունների ստորին, նկուղային հարկերը որպես մթերանոցներ ու պահեստներ են օգտագործվել: Նրանք քարե թաղերով ծածկեր ունեն և ղեպի դուրս բացվող լուսամուտներ, որոնք ղեռնից բավական բարձր են: Ընդհանրապես, պաշտպանական առումով, Աստաղատի վանքը իր տեղադրության և բարձր պարիսպների շնորհիվ բավական անառիկ է:

Բնակելի որոշ կառուցվածքներ քիչ թե շատ պահպանվել են արևմտյան կողմում. նրանք շինված են աղյուսից: Նրանցից մեկը բարձրանում է թաղակապ նկուղային հարկի վրա, ուղղանկյուն է, հյուսիսից հարավ ձգված: Ծածկը փայտից է հղել: Հայն, ուղղանկյուն մեծ լուսամուտները բացվում են ինչպես ղեպի վանքի բակը, այնպես էլ ղեպի դուրս, ղեպի Արաքս գետը: Աղյուսե պատերը, ամրության համար, ունեն կոնտրֆորտներ: Պատմիչների ու այցելուների նշած մյուս շենքերը, կոմունալ, արտադրական կառուցվածքները չեն պահպանվել և նրանց հորինվածքը այժմ անհնար է վերականգնել:

Աստաղատի ս. Ստեփանոս վանքը կառուցվածքների և նրանց մանրամասների, ինչպես նաև հարդարանքի և շինարարական տեխնիկայի նշված հետաքրքրական առանձնահատկություններով իր ուրույն և արժանի տեղն է զբաղում Հայաստանի XVII դարի վանքային անսամբլների շարքում և բավական կարևոր է ոչ միջնադարի հայ ճարտարապետության պատմության շատ հարցերի լուսաբանման համար:

35 Ե. Հալալյան, Նախագիտ, էջ 152:

36 Նույն տեղում, էջ 153:

37 Նույն տեղում:

АРХИТЕКТУРНЫЙ АНСАМБЛЬ АСТАПАТСКОГО МОНАСТЫРЯ

М. М. АСРАТЯН

(Резюме)

Астапатский монастырь расположен южнее города Нахичевана, на высоком берегу реки Аракс. Комплекс имеет четкий прямоугольный план. По периметру стен расположены жилые и подсобные помещения. В центре ансамбля находятся церковь и пристроенный к ней с западной стороны притвор. Церковь принадлежит к редкому в армянской архитектуре типу купольных сооружений с двумя пилонами. Благодаря особенностям архитектурной композиции, а также самобытному декору Астапатский монастырь является важным памятником армянского зодчества позднего средневековья.